



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**D. Burchardi VVormaciensis Ecclesiae Episcopi,  
Decretorum Libri XX. ex Consiliis, & orthodoxoru[m]  
patru[m] Decretis, tum etiam diuersaru[m] nationum  
Synodis, ceu loci communes congesti, in quibus ...**

**Burchardus <Wormaciensis>**

**Parisiis, 1549**

Item de prædestinatione. xxxvii.

**urn:nbn:de:hbz:466:1-10722**



riam. In hac extrema sententia notandum, quod de euan-  
gelio sumens testimoniū, ait, prædestinatos malos in ignē  
æternum, eo quod dicturus est dominus in iudicio non so-  
lum bonis, vt percipiant regnum sibi paratum à constitu-  
tione mundi, verū quod malis dicturus est. Ite maledicti  
in ignem æternū, qui paratus est diabolo, & angelis eius.  
Ex hoc enim approbat, quod iniquos & impios dominus  
prædestinauerit ad supplicium, ex eo quod illis dicturus  
est: Ite in ignem æternum. Vnde qui volunt dicere, quod  
pœna prædestinata sit iniustis, nō iniusti prædestinati sunt  
ad pœnam, viderint qualiter huius authoris dicta intelli-  
gant. Cui enim paratur pœna, is nimirum preparator ad  
pœnam.

*Item de prædestinatione. Cap. XXXV.*

Vasis verò ire nunquam Deus redderet interitū, si nō  
spontaneū inueniretur homo habere peccatū. Quia  
nec Deus peccanti homini iuste inferret iram, si homo ex  
prædestinatione Dei cecidisset in culpam.

*Itē Au-  
gustinus.*

*Item de prædestinatione. Cap. XXXVI.*

Sicut enim præscientia neminem compellit ad pecca-  
tum, cum utiq; præscierit singulorū ante secula exter-  
na peccata, ita quoque & prædestinatio eius neminē com-  
pellit ad pœnam. Licet & antequā nascatur, aliquis præ-  
destinatus sit, si permansurus est in iniquitate ad pœnam.

*Ex dictis  
Fulgēti.*

*Item de prædestinatione. Cap. XXXVII.*

Sicut enim nemo potest imputare Deo quod peccat, ita  
quoque quod peccatis puniendus sit. Peccat enim pro-  
pria voluntate delinquens, puniendus est autem iusto iudi-  
cio iudicantis, & sicut peccati causa non ex Dei præsciē-  
tia descendit, quia nullus idcirco peccat: quia Deus eum  
peccaturum præscierit, sed idcirco quia magis propriē  
concupiscentiæ obedierit, quàm præcepto prohibentis  
Dei à peccato. ita quoque nullus idcirco ad pœnam vadit:  
quia hoc in prædestinatione Dei ante fuerat. Ex eo enim  
quod præscitū est in peccatis permansurus, & sine pœni-  
tentie fructu, vitam præsentem terminaturus, ex eo depu-  
tatur est ad pœnam. Et sicut causa peccati concupiscen-  
tia est, qua magis obeditur voluntati carnis, quàm præ-

*Ex dictis  
Ambro.*





cepto diuino, ita penè deputatio, causa est peccati perpetratio, & postea pro peccato nulla digna satisfactio.

*Item de prædestinatione. Cap. XXXVIII.*

*Ex dictis Ambro.* **E**T Scriptura dicit: Considera opera domini: quia non potest corrigere, quem ille despexerit.

*Item de prædestinatione. Cap. XXXIX.*

*Ex dictis August.* **N**EMO qui bene credit in Deum, dubitat præscientia illius cælum, terramq; contineri, mundumq; providentia diuina regi. Et sicut nihil latet sapientiam eius, ita dispositio illius vniuersa moderatur & regit. Sic enim nulla est creatura occulta, in conspectu illius.

*De creatione angelorum. Cap. XL.*

*Idem.* **I**N principio creauit Deus cælum & terram, & aquam ex nihilo, & cum aquam ipsam adhuc tenebre occultarent, & aquam terra absconderet, facti sunt angeli, & omnes cœlestes virtutes, vt nō esset ociosa Dei bonitas, sed haberet in quibus per multa ante spacia bonitatem suam ostenderet: & ita hic visibilis mūdus ex his quæ creata fuerant, factus est, & ornatus.

*Quòd nihil sit incorporeum, & inuisibile præter solum Deum. Cap. XLI.*

*Idem.* **N**ihil incorporeum, & inuisibile in natura credendum, nisi solum Deum. Qui ideo incorporeus creditur: quia vbique est, & omnia implet, atq; constringit. Ideo inuisibilis omnibus creaturis est, quia incorporeus est.

*Quòd omnis creatura sit corporea. Cap. XLII.*

*Idem.* **C**reatura omnis corporea, Angeli, & omnes cœlestes virtutes corporeæ, licet non carne subsistant. Ideo autem corporeas esse credimus intellectuales naturas, quoniam localiter circumscribuntur, sicut & anima humana, quæ carne clauditur, & dæmones qui substantia angelicæ naturæ sunt.

*Quòd omnes intellectuales naturæ immortales sint. Cap. XLIII.*

*Idem.* **I**mmortales esse credimus intellectuales naturas, quæ carne carent, nec habent quod cadat, vt resurrectione egeat post ruinam.